

崇百藥齋三集

崇百藥齋三集第三

陽湖陸繼輅祁孫

望雲集

起丙戌九月
盡丁亥三月

自嶰筠先生持節江北章莘農查渠閣曹蘿峯李
樅亭韓春泉戴苜昉吳雲士馬元伯華敦園俱集
皖城同年京外之聚於斯盛矣而繼輅適有北行
留別有作

龍山珍重值秋晴高會依稀似玉京舊雨乍疑今雨至
樅亭給諫春泉舍人
別俱最久幾不相識客星都傍使星明畧經憂患官方
顯謂中丞悟徹升湛氣已平此去居然稱引對征衣誰

識淚縱橫

時借官滿入都將以先
母志傳上史館諸公

過桐城伯恬策騎遠送別後却寄

秋山平遠似春山，風日依然二月間。
三宿易生桑幄戀，一程初驗桂輪慳。
翩翩裘馬今誰在，處處鶯花逐夢還。
多感燭奴知惜別，樽前忍住淚痕潛。

肩輿

曉行三十里，月色尚如許。
肩輿雙竹空，終宵學人語。
肩輿小如升，夢濶乃無度。
適從嘉峪關，濡筆草露布。

六安城外解纜

水程迢遞接山程，雁正南翔我北征。
聚久難爲三月別，官貧已代七年耕。
客衣全改慈親綫，旅舍如牽故國情。
時山妻尚留安慶，記得夕陽同喚櫂。
嗟哉空賦董生行，辛未二月偕亡

友方立赴汴
亦於此買舟

夢偕姚大元植侍先外姑近園觴桂

布地金千斛窺林玉一鉤無端客舟夢寫出壻鄉秋恩
敢忘今世魂原樂舊游裁牋報姚合遲我哭西州

晚晴

連朝風雨戰秋聲忽報揚帆趁晚晴歸夢漸驚征路遠
浮生難說著書成蠅如惜別揮仍在鴈自羣飛傲獨行
今夜皖城寒信到有人納手最關情

抵陳州次前韻

怨盡風聲怨雨聲秋霖未抵淚難晴愁如燈影避無處
酒是村醪醉易成偶見疎林思卜築儘邀殘月送孤行

在陳從古懷歸地聊唱勞歌盪旅情

賦得霜信

年年待汝慶安瀾此夜推篷趁月看芳訊易沈花事盡
故鄉何在鴈飛難炊烟寂寂流民宅髣髴蕭蕭老將壇
慚愧書生閒袖手裁箋未敢訴禁寒

渡河

立馬蕭蕭喚渡河河流訝我髣髴將幡一帆風影江湖夢
四野天低勅勒歌故里流亡圖不易岐亭涕淚灑還多
子辯子良俱送至河干征鴻自是南飛慣其柰霜隄未莫何

邯鄲道中寒甚有作

十載塵勞霜髣侵重來仍媿世緣深怪他野鳥雙栖穩

如此曉寒飛出林

峭寒最是日初生兀坐柴車凍結成我有仙才乏仙骨
滌殘熱血便身輕

題呂仙祠

夢境求佳信是蚩仙云是覺我還疑掃花三尺天壇帚
也有黃梁再熟時

沙河早發

夜行如在水侵曉見嚴霜沙弱起無力風尖掣有鉞戀
巢林誰病守廟石獅僵行役未云苦西師正裹瘡

柏鄉喜晴

小雪幸無雪朝晴接晚晴稍聞鳥聲樂頓覺馬蹄輕卽

事歡愁異因之感歎平委心隨所遇庶用慰吾生

明月店題壁

道上褰帷誰作吏樽前挾瑟又無人夜涼如水看明月
持較揚州定幾分

皖公山月最情多送我浮江又渡河下九初三都看遍
只應無奈醉眠何

定州旅次見崧亭廉訪舊句和題壁間卽寄廉訪

欲覓天涯絕妙辭入門先看壁間詩廉訪句願公充此憐

才念多少孤寒賦感知

重窺東閣愴前因曾是先公座上賓今夜半規茅店月
可能照夢到湖湄

蘭雪編病後詩爲更生集四卷書後

題籤到眼已心驚又見新編署更生

東甫先生雅存丈
俱號更生居士

未必大還堪續命且因小劫懺多情詩如葢桂辛猶在

家本蓬萊去未成一語邀君再商榷可能沒世謝留名

君近詩有第一先
拋沒世名之句

彭寶臣少京兆袖出落葉詩見邀同作次韻答之

閒庭風雨亂秋晴一種天涯去住情便與添薪渾未忍
可能委地總無聲綠陰已恨尋芳晚霜色依然照眼明
莫厭舊書重校勘更將何事遣浮生

消寒一集賓谷先生招同春湖副憲石士學士南

雅編修雪樵檢討心壺侍御蘭雪星伯茗孫詩舫

四舍人孟慈員外子芬伯游兩茂才分賦近畿古蹟得華陽臺

黃金臺馬市骨華陽臺馬流血此時太子氣尙豪敢爲
逋臣一樽設將軍飲此蠲煩憂有客欲斷將軍頭望夷
宮中鹿未獻臣頭虛擲咸陽殿風吹易水不勝寒臺上
於今尙飛霰從古恩讎總可憐興亡屈指又千年後彫
獨有甘棠樹長爲孱孫表墓田

都門師友排日招飲禮意溢分感而有作

烏頭日以白鶴頂日以紅何圖十年別復此一笑逢雅
集宜冬暄珍膳值歲豐聯袂事如昨倒屣遇己隆自忘
氣誼篤轉訝禮數恭非我習外吏尊貴義則同所愧業

未進猶是吳下蒙跼踖據左席

秋農丈虹舫開學招飲俱命上坐固讓不獲

竟日心忡忡或隱如東方

謂南雅蘭雪

或豪如元龍

揚峰閣學石士

學孝穆學最精

星伯供奉詩益工

春湖副憲詩學精進幾出蘇閣之上

是皆

百世人多幸叨雍容興懷藉後會敢惜傾千鍾倚醉望高寒碧月懸天中

詠道旁枯樹

搖落豈天意榮枯柰爾何恐隨衰草腐從此積薪多熱
謝傾陽藿涼生作柱荷攀條渾未及迴望一滂沱

星伯真授中書舍人過訪有贈

剪燭最長夜傾衿幾故人天教成絕業

君在伊犁六年研精地理之學

帝已識孤臣

君以是日引見

潘岳樽前淚元規扇底塵相期

三集
消客感珍重報

恩身

六月天山雪戎車駕更難
咎歸唐至德事異漢呼韓挾
纘勞

宸慮交綏值歲闌

賜環翻恨早頻撫舊征鞍

題桃花畫扇

風雪長安閉戶難一枝憐爾共禁寒
美人曾忍宮中笑戰士方從馬後看
可待書符呼鬱壘不煩撫序感齊紈
明年花發清江漲早奠虹隄護急湍

摸魚兒

許五玉年孤山補梅圖
兼懷許三青士粵中

展橫圖舊游，棖觸湖光山色如故。梅花萬本從君補，
惟有朱顏難駐。君小住，正風雪長安才把相思訴。春
情最苦，怕忽到窗前，獨來竹外，見此故鄉樹。端溪
畔亦有落枝無數，翠禽未許飛度。天涯只我銷魂慣，
夢到年時漚鷺。冬且暮，問孤絕孤山，可是探花路。花
如解語，待喚起師雄，邀將何遜，香海泛舟去。

贈陳秀才

世慶東浦
方伯孫

信有天孫無縫衣，重排舊句入新題。卷中集杜十
二律尤工我歸
代訪甘棠去，一樹猶堪小鳳棲。

泉塘女士吳蘋香自寫飲酒讀騷圖作男子衣冠
爲題三絕句

屈刀勿作鏡還我腰間佩齒冷王明君畫褰出邊塞
笑不學梁夫人愁不效西施顰窮塗快意一慟冠纓索
絕臣髡

湘草湘花恨未休離騷元說是離憂如君便作黃崇嘏
那有仙人許狀頭

摸魚兒

答吳研溪丈來韻

最魂消玳梁如故舊時棲燕重到十年不買天橋醉
珍重一樽同倒春信杳正開徧唐花誰賦離離草回
廊獨遶祔帳暖香濃天寒袖短似我倚闌少橫塘
外有箇茅亭低小秋風偏又吹早四山黃葉從飛盡
爭奈藤牽蘿繞秋亦老怕晴雨更番空把蒼苔掃浮

生難了待六出成銀九還點石還汝故鄉好

又

趙樹珊見余和研溪詞次韻索再和客至未果明日研溪亦再疊前韻來寒夜呵凍分東兩君

盼遙天冰蟾未起蒼茫鄉思先到十千酒味渾如水
爭怪玉山難倒征路杳便綠遍平蕪可是池塘草高
軒雲遶柰獸炭消紅鴈燈凝碧情話故人少青溪
畔蔣妹芳年嬌小而今也說衰老梅花真有修來福
從未驚燕擾開太早怕吹邃江城輕把紅鹽掃閒
門閉了只炙研填詞敲冰煮茗此景客中好

水調歌頭

寄題王生季旭把酒問天書卷

一望碧無際如水復如烟是誰塵海游戲題目九重
天遇著才人落魄又值酒懷頽放呵壁有煩言卿果

欲相問何地展瑤牋
湘水上牛渚畔柳江邊一樣
茗茗良夜底事破閒眠
遮莫長娥惡劇幻出陰晴圓
缺空裏促流年我待喚高燭爲汝照歡筵

感寒病泄謝賓谷先生餉人葠

民病日趨弱葠直日趨高
良醫詣貧家蒿目心煩勞十
年習靈素雅擅時世褒盤根
資利器乃尠寸柄操袖手
非所安嘗試徵其曹柴胡桔
梗流亦自舒柔條紛然起
承乏舉石投洪濤主人頻有
言敢復辭譏嘲所悲濟物
心利涉無輕舫我生本薄植
是身如芭蕉拔心偶不死
望秋欲先凋七度上長安
髭禿朱顏焦嚴冬感祁寒
篋得剝上爻災疑小人至
道訝君子消驟遺廉頗矢銳減

東陽腰手撫未成書淒淒感中宵醫來技頗窘繞屋行
周遭安求玉井蓮焉索綬山桃是時南城公需次罷早
朝謂我疾未病文瀾尙滔滔慰我疾且已道氣猶鬱鬱
遺我紫纁蓑爲我迴春韶一飲生微陽曙色明窗綃再
飲泮層冰習習東風飄沈疴得珍藥似醉傾醇醪憶我
弱冠初從公探風騷清芬擷蘅杜郁烈叙芳椒許我作
屈軼護我逾蘭茝蹉跎負遠志濩落同寒匏別公積思
深心怵雙丸跳公髭雖點雪公筆乃更超相期我與公
壽世千載遙力疾起染翰摘辭雜歌謠辭成氣彌壯室
暖研不膠神茶走相告二豎已遯逃

附答詩

曾煥

吾如李百藥諸苦嘗之備頗願世間人安然去疵癘
昨來長安城屢驚親故逝厥病非膏肓誤之由藥餌
嗚呼醫者心人命乃兒戲思舊未云已子自江南至
曩昔美少年顏貌亦顚顚憂患爲家人風霜入旅次
河魚疾忽作野鶴哀無類聞子日沈綿醫猶用猛劑
亟投以神草明日減病勢報章極雄深不似病中囁
旣喜君良瘥又憐君善慧岐黃固失真芝朮亦多僞
僞者實醜人人詎可嘗試往聞許旌陽曾以藥物施
又聞葛稚川詳列養生事子今行作令於物期有濟
要當在實心庶不愧仙吏老夫讀黃庭亦稍煉精氣
丹成倘遇君一笑三千歲

萬柳堂祀鄭氏生日圖爲胡戶部

培翠題

仙釋竊經說嶽降滋紛紜下士拘於方持辨殊斷斷鄭君本儒宗非佛非星辰豈無當時紱繫彼獨角磨惜君不措意自述如靈均廣記小說家聊復信所云非敢好虛誕愛敬藉以申禮不禁義起此例開千春我登萬柳堂肅如通德門

太平廣記述鄭君以永建二年七月戊寅生按順帝紀是年七月甲戌朔戊寅

其五日也

吳梅梁侍御程蕉雲工部阮小雲戶部顧晴芬少農招飲俱以疾未赴寒夜寂坐因懷皖中

未是幽憂疾全孤漱灑盃桃花舊人面香草少年才

謂張

亭甫諸君萬里師門遠

儀真公方移鎮滇黔

三更客夢回殘冬半規月

三
九
照見皖公臺

揚激明公責

謂解筠撫部

剛逢計吏年半生知己淚下邑愛

人絃定格應難破懲華亦易偏金蓮雙炬在慎草孔融箋

周郎

伯恬

實健吏司訓去宣城山色敬亭好詩名小謝

爭金鑾花比艷逸少玉同清領取杜門樂從今罷遠征

沈約吾畏友

小宛

中年足苦辛心情最惆悵肝膽見輪

困拔俗五千丈

太白句

業文三十春

樂天句

上林猶待賦

莫厭長卿貧

讀伯游璵人元卿近作竟戲成一絕句

玉樓起粟陳方海絕巘捫碑龔自珍却向小重山畔過

小重山房
元卿所居
清明風日正宜人

曹玉水舍人爲言錢衍石侍御甚好余文手錄成
帙慙感有作

並世楊子雲狀貌了不異韓文起積衰避謗乃無計愛
古而薄今此識久成例矧我庸衆才力竭不赴志候蟲
飲露甘聊復鼓其翅何圖置金籠聽聲反成嗜近者龔
自珍口雖不譚藝義哉古姬姜百寶綴冠帔亦有陳方
海秋雲澹無際是皆在京師所構頗易致瘡痂縱可啖
徒云鰕魚似爲公獻真魚滿公好賢意

梅梁於都門市上得錢宗伯寫生一軸署曰忘憂
多子蓋爲袁方伯所作者梅梁方伯孫女夫也喜

而索詩

詩人餘技擅繪事毘陵憚老嘉禾錢毘陵傳色天下絕

如草稱聖詩稱仙錢翁此幀以澹勝水墨乃比燕支妍

得毋嫌名避遠祖

相傳吳越間思武肅遺愛以鬱樞同音改稱金櫻

安榴字不

沿張翥護花宜男與同瑞于例雅得書牽連當時袁公

感善禱果見麐鳳

方伯二子名

來翩翩何因零落入燕市廉

吏故物悲雲烟我識吳郎年十五錦瑟尙未調冰絃袁

公古誼世稀有相士不減太尉焉卽今持節諭巴蜀還

朝豸繡猶朱顏閒中過我譚及此詫返秦璧歸齊田

縱觀已盡博陵籍遺愛誰續甘棠篇我於袁公亦有舊

每觀白菊思樽前爲君題句祝如願閨中正貼宜春箋

疾向愈報謝過存諸公

鯁生住京師一葉春波萍感寒偶抱疴十日輟送迎誰
造下執事傳語勞過聽頻煩長者車來扣松間局疑我
抱鄉思慮傷獨客情謂我耽旬句戒作秋蟲鳴據案檢
方藥探懷出葠苓手札復相間犇走疲奴星吳下賤男
子百事無一勝自問何挾持足動諸公卿夙分感久要
過實慙虛名側聞白玉樓召賦人已盈奇零不中選悉
罷公車徵仍還蟣蝨隊大笑蒼蠅聲仙曹雖下第塵世
期長生起負朝日暄旋覺夕膳馨歲除病亦除詣謝期
初正

酬孫光祿

慧

時平叔宮保展

覲將至兼以迓

之

羈懷兼病緒撫候心傍徨孫郎貽我特健藥神妙不數
千金方攬衣倚枕一展讀自覺氣盛聲琅琅今年除夕
大豪富唐花晉帖排岩房楊公子靜甫示宋搨王帖數種久置案頭君詩一
百十二字墨氣所耀如丹光昨聞尊君已內渡樓船晏
坐方傳觴

朝廷命將中道返隻手竟障鯨波揚兵曹籌兵戶曹餉
專意西顧無東攘

聖主酬庸賞曲突三孤位亞同平章當時少年十數輩

或慕許鄭希班楊

子雲楊氏今誤作揚楊德祖稱吾家子雲可證也

不知何年

習家學甲兵十萬胸中藏頃來得識兩雛鳳

時賢兄小平方舉京

兆執禮恭謹懲疎狂京師歲晚劇紛擾接天十丈車塵黃病餘頗復厭俗客往往剝啄驚匡牀翩然一騎送詩至愈疾乃類陳孔璋方今西師暫高壘逆羌授首期春陽安邊已屬班定遠載筆孰是儀曹郎獬兒將種身手健旦晚草檄徵嚴褒

喜金溪少司寇過訪

傳聞謝客十年餘意外先煩長者車少作感公猶記憶舊言令我一歛歔綵袍未易耶官故是日以元旦邸舍真成野老居何日三吳看建節暫拋刑法志河渠

南雅滇南紀游畫冊

典試暨督學二者皆人師典試收成材先賴教澤施三

年持使節何用培其基雲南古南詔萬里遠

帝畿

文化被無外助以山水奇名賢遂踵生忠直不徇私前有尹壯圖後有谷際岐伊誰選茂才得此喉舌司吾友顧學士謇諤

上所知亦嘗督滇學愛士兼嚴慈豈徒立條教相感在氣機宜有高岡鳳翩然應昌期

還朝逾十年思滇意未已示我滇游圖展讀正容起

有峯必孤立有水必見底持證我所聞宛然舊游似

伯先

兄官滇中二十年先君官粵西以勘岑田二土司爭田之獄亦一至焉故山川土俗家人多能言之

我已

疲津梁無心行萬里因君得臥覽俯仰集悲喜遙念彼

問人清峭亦如此殷勤叩文中誰歟大弟子

星伯法源寺讀書圖戊辰仲春琴鵬所作越丙戌
季冬出以索題卷中尙無一字傍徨不敢下筆星
伯促之不已勉成三絕句

宣武坊南花事妍昔游回首一凄然怪君行篋收藏固
索畫徵題十九年

酪酒瓊裘話壯游寒宵幾度看吳鉤不知當日僧寮夢
曾見天山雪影不

左龍右虎護幽居此日重排萬卷書可惜年時曾讀本
神仙字早餉蟬魚

酬贈朝鮮侍郎申君在植卽送歸國

各三千里集京師何處傳聞某在斯越境論交

天覆廣到家相憶月明知還期客燕重尋壘或有征鴻
可寄詩持贈一編聊慰別海潮帆影筆譚時

君先從汪孟慈索得

拙集

除夕同鄉陳秀才

森

攜詩過訪兼韓孟溫李之勝

喜而有作

獨客羈栖感歲除鄉音珍重慰離居何圖一寸樊南燭
快讀平生未見書

見說羣真集絳臺龍姑魔女鎮疑猜無端一陣霜風起
獨見寒簑倚檻來

痛飲纔醒又放哥聞中歲月易蹉跎也知媚骨描難肖

刻劃翻宜疥駱駝

卷中咏橐駝三十韻酷似石鼎聯句

天遣裁詩骨是花手攀碧月剪明霞疑君曾上臨春閣

親見南朝張麗華

書生意氣敢粗豪倚醉猶能字孟勞

君卽日有寶刀祭詩之作極激昂之

致我有寒山琴七尺爲君試譜反離騷

鄉里清才半未知百篇剛讀夢窗詞

謂吳君文藻

近來馬賤

黃金貴待向何人說項斯

茶甌香溫一事無不煩炙研寫桃符憑君記取詩中畫

絕妙都門守歲圖

樽前閒數眼中人彭

甘亭

董

方立

洪

祐甫

劉

孟塗俱已下世

絕倫期爾香山同結社種松親見作龍鱗

眞率耆英未可期篇終聊作吉祥詞香心一日千回死

君集中句門外蕭郎那得知

賣花聲

立春和研溪

孤館鎮清寥忘却春朝無端傳語度梅梢道是東風
連夜到過了溪橋何計遣今宵好夢難招金猊香
冷研冰膠只有燭花紅一點暈上窗綃

謁金門

立春第二日索研溪和

春已到何處探春去好可惜唐花開又早問東風未
曉一角西山斜照那見山容如笑九十韶光排日
報看浮銷多少

鬲溪梅

立春第三日再索研溪和

周遭荒徑首春痕又黃昏盼斷湘江半展鬱金裙凌
波不動塵春旂春勝漫紛紛太無因那似初三月
子肯憐人低幃忍翠顰

蘇幕遮

元夜

酒生瀾香起霧佳節他鄉各自爲歡去十里燈光紅
夾路待喚寒簷沒轉冰輪處譜新詞尋艷句坐到
無聊才思都無據苦憶芙蓉塘外雨一陣瀟瀟已是
經年住

咏老八首和賓谷先生

老儒

儒通天地人學成身已老寄語諸少年著書勿太早

老將

少年競首功老去務持重傷哉符離軍主將心未動

老吏

未聞斷獄平但詡引例熟使遇司馬公愁汝飯不足

老漁

洪澤與笠澤各自起風波移家儂不願不慣近黃河

老僧

出家三十年知佛是泥塼不如門外漢地獄尙生怖

老友

存亡渾見慣聚散那足論君看垂老別悲思減新婚

老僕

誰言盧家僕不及霍家奴
盧家半間屋歲歲洛城居

老女

擇婿悔太嚴因循及梅標
昨見卓文君方知晚嫁好

蔣沛畬戶部檢得相國縣
試浮籤褻治成冊獲觀

有作

偶然題詠創千秋寸楮分明
玉篋收不共神仙供脈望

早留姓氏待金甌
沂公事業梅花句太傳心情峴首游

只我襴衫拋未得卅年前
已負青眸

庚申九月相國于江西舟次見繼輅

試卷至今猶稱譽及之

出京

車塵攪夢不分明
攜醉忽忽別玉京行上石橋驚坐起

三集三
淺冰殘雪暮寒生

碧城回首暮雲高一半闌干雪未消可怪蘆溝橋下水
祇催歸騎不通潮

三間旅舍卸鞍初重見青門月一梳記得昨宵窗下坐
春寒未覺畫簾疎

發清風店簡黃定州

去年宿明月對月愁嚴霜今年宿清風飛沙接天黃風
月本何異所值不可常此時大江南人意方倘佯花徑
卷簾看柳岸披衿當豈知燕豫間春氣猶閉藏我行四
十驛未見一草芳麥苗復何似旱久根已傷聊抒過客
慮吟入懷人章

趙州喜雨

細雨燕南路春泥入望平
漸思芳草長忽訝綠陰成
山黛染猶薄水波吹已生
沾衣橋畔立待喚一舟輕

二月十五日邯鄲道中

思家別友總魂消
趙北燕南驛路遙
說與仙真應絕倒
一畦新韭過花朝

詞客游仙夢最華
碧城明月赤城霞
蟠桃一放三千歲
那得天壇有落花

才人從古歸廝養
公子猶能識博徒
擬喚上真譚往事
仙山不貯漢唐書

君淑亡日

兒女青紅痛易忘天涯老淚獨沾裳修文未必徵脗史

遣恨惟應事梵王詩識早成陶靖節兒名良勝取陶詩弱女非男意今余

尚未有子禪機悔授葉璠章兒好誦葉小傷心栢酒無

殆成識矣澆處蔓草平原一斷腸驚受戒語

淇汲道中寄懷松嵐先生

與公一別十三載腰腳還能似舊無家世著書傳列女

項見公近刻知先母監司抗疏責真儒公備兵河東時有封疆大吏學

家傳已編入集中閨中風雪憐才淚公姬人字湘花者嘗

術不醇恐貽誤吳蘭雪漂泊何語公風雪如此不知所公大賞之公僑居懷慶預營日從公索雞黍樽前雙抱小於菟丙舍作圖見寄何

舉丈夫子自趙州至祥符皆已得雨而余行輒在雨後

茲行選日頗自許程程得雨不遇雨平疇一色青上天
疎林漸欲生春烟東皇憐人動春思特放一蜨飛車前
車行泥塗慎勿怨膏汝雙輪易爲轉君不見朝官登車
骨欲折車輪碾土碾成鐵

瀕行賓谷先生虹舫閣部椒堂京兆若士大令俱
有詩送別舟次奉答

垂老臨岐淚平生知己恩爲憐情緒苦彌接笑言溫叢
桂方招隱芳蘭孰共論惟應待歸燕未忍掩重門

多病公無慮虛名我自驚相期作循吏猶恐負家聲門

已懸弧未

閣部望子頗殷時側室有姪身者

詩煩擊鉢成歸裝具三絕

兼謂春湖中丞南雅學士

未覺一舟輕

恩榜開吳越曾叨說兩花

庚申秋榜余與京兆皆十七名儀真公指示座客此又成

故實如和凝第十三名矣

敢云肩可比剩有髻同華折福懲名晚傳

經屬望奢湖壩舊精舍歲歲樹陰加

俗吏非爲酷無情怨已多矧君將母仕何用得人和瑣
瑣農桑約循循孝弟科慈幃千曼壽此樂勝岩阿

題畫馬

相約蕭郎作遠征斑駁赭白有聲名卽今春草連天遠
無分從公乞騎兵

名姬駿馬肯生離一樣曾叨國士知我獨心傷十八騎
束芻別奠憤王祠

積雪千年化白沙風來吹作鬢邊華何人仗節軍門立

閒殺郭家師子花

由來戰騎習橫行立仗經年百病生說與房星休自喜
天山試聽踏冰聲

密誓流傳定有無洗兒拜母語全誣畫師偏喜譚天寶
還寫楊妃上馬圖

昌谷傷心賦小詩長牙瘦骨少人知勸君識得便須買
那有黃金似土時

虞美人

初見白鬢

朝來不合窺明鏡衰老今番定清霜不去染丹楓却
只黏將桺絮撲簾櫳秦家小女言辭巧強說鬢鬢
好流年如水不聞聲已是教伊兩度報分明

寄五真

昨見新韭綠春疇已可憐今見菜花黃彌覺春色妍桃
必種千葉杏或移日邊名園集嘉枿增華自年年甯知
遠游子憔悴彫朱顏朝來風日好覩此情怡然貧賤易
以遣富貴難爲歡卽事悟知足奚煩五千言

車行苦顛頓忽覩一舟過遙望舟中人何殊天上坐及
至身在舟又怨舟行遲揮鞭者誰子目送心與馳人情
有歆羨易地已如此何況所未經較甚見獵喜出世且
未能淺嘗宜可止

菩薩蠻

濠梁舟次再寄五真

東風吹得春波軟歸帆定比征帆緩迎我到江城垂

楊又一程 晝長春夢短路近歸心遠鳥語綠陰中
鄉音同不同

故人書札先春到書中勸我歸來早夜夢鬱金堂珠
簾玳瑁梁 離觴偏易醉分與思鄉淚十二曲闌干
語長忘暮寒

而今真喜歸期近龍山染黛朝臨鏡手篆囑桃斐莫
隨胡蝶飛 江波濃似酒耐得憑闌久暮雨乍瀟瀟
吳船隔幾橋

平蕪望斷江南路槐陰亦是江南樹春雨最關情春
雲綠滿庭 梁間聞燕歎生小雙棲慣甚日掩重關
賣珠人未還

三十一
椒堂席上晤鎮江王別駕好譚星祿之術云所見
佳造無過鄂文端張船山其年月日時正得官印
財身四祿文端貴極人臣而船山終身湮菀以爲
才名折福之驗于時一座懔然以文采爲戒余意
不然文端勲名豈反後于船山耶船山不工詩便
當作宰相耶舟行無俚聊抒所見以自警焉

造物曷忌名忌者虛名耳船山名不虛然已過實矣嗟
余少孤露弱冠出負米諸公方求才偶自郭隗始因之
竊盛譽豈徒負知己忽忽三十年困頓抑至此船山誠
侘傺顧我何敢擬乍聞星家言怵惕賴有泚越哉老莊
徒其說異孔子沒世無可稱先師以爲恥副名自有道

一息及未死非云謝春華卽已具實理蒲柳望秋零何
如作桃李

小游仙

奎宿新從下界回玉樞上相最憐才一篇刑賞琅琅誦
猶記歐陽主試來

羣真百輩集蓬山爭訝詩仙玉骨孱明日欵關聞細語
西池侍女送還丹

一編抱朴著初成匝月傳觀偏玉清獨有文郎鈔副本
彩鸞書格冠瑤京

上界憐才法網寬狂言特赦柳宗元朝來又下求賢詔
待起行吟楚屈原

謫吏攜來下界書最拋心力紀方輿璿宮特爲翻新樣
幅幅仙裙地理圖

燕瘦環肥總可憎除教王母選傾城豈知絕艷新來少
綠髻凋殘王子登

玉軸瑤籤插架儲琅嬛一樣有蟬魚頑仙不識人間字
奉勅先頒許氏書

仙史分修列傳成劉樊葛鮑總無名不知別詔徵誰去
勅限青鸞十日程

塵中才筆近何如切責相如賦子虛却怪淮南成道久
何因得見宋儒書

點石神丹化作灰仙官自有度支才却因王會開閭闔

繁露新選典屬來

防河轉餉事如麻
天語煌煌訓黜奢
腰扇肩輿都屏却
退朝齊上綠瓊車

五夜香薰薦士箋
循良一例重人天
負他台輔懷仙吏
勾漏辭官已十年

阻風遣悶並寄嶰筠先生

孤篷三月起秋聲
愁絕淮南百里程
一雨寒威如小雪
思家情緒況清明
食錢幸不疑君實

江北通志逾年未成前中丞張公頗

疑繼輅等有意作遷延之役

椽燭何堪效子京
我較楊盧才未逮
敢

煩風送片帆行

六安雨阻柬曹博士

鳴鑾

天遣相逢十載遲客中剛得訴相思東皇知我難爲別
吹遍山城萬雨絲

七子才名冠建安夜吟未覺月光寒閒庭咫尺知音在

便抵春風鬢影看

君有一青衣酷嗜君詩君爲作聽詩圖

傷春蕉萃又悲秋小草千年怨未休直待江郎爲寫恨

三生紅淚一時收

君近賦秋海棠絕工

斜日蒼茫動別情吳江秋色見分明笑他七字崔黃葉

一語纔工已擅名

君有紅葉詩三十首傳寫遍于江南

相公

儷笙宮傳

介弟屈閒曹第五名齊驃騎高留作護花幡

亦好東風吹雨撲窗綃

三月晦日舒桐道中

曉來絲雨晚來晴連日看山到皖城溪水漫橋仍喚渡
草花夾路不知名備諸皴法盤盤石耐盡歸思緩緩程
去住由來非意想又經一度餞春情

崇百藥齋三集第四

陽湖陸繼輅孫

玳梁集

起丁亥四月
盡十二月

嶰筠先生與客譚古韻成詩十章見示奉和如數

雙聲疊韻本天成草木蟲魚孰命名只恐詩豪曹孟德

誤從蒿里聽雞鳴

鄭氏庠以陽唐耕青通用此誤相沿最久傳毅舞賦容不虛生魏武帝蒿

里行千里無雞鳴東漢時已混而同之矣

展卷元同白黑分別裁僞體竟無人試看虞帝思親操

喜起何曾可亂真

馳字也聲思親操乃與歸字爲韻凡斯僞作如箕山黃鵠采葛諸篇皆選

家所宜
急屏者

漫將郭索儷鉤輈

鉤字侯部輈字尤部不通用

詩律甯從疊韻求落

木長江君聽取不關杜老誤千秋

落木長江淺人誤指爲疊韻子美初未措

意不任咎也

柳州晉問軼觀潮可惜蠻鄉韻太清誰識河間張內史

開章先已亂宵豪

江釭分韻顏師古

漢書孝成皇后傳注

宥侯兼收韓退之

謂南山詩不

及將軍諧競病居然會讀古謠辭

左氏僖七年傳鄭孔叔引謠

無端會意誤諧聲婦服同音訓最精莫笑江州白司馬

羅裙翻酒太關情

琵琶行以婦聲入遇御固非今讀作阜乃誤以爲從女帚聲

凡鳥題門訝客狂當時古韻未全亡詩人逸句分明在

不似樊南弄鳳皇

義山詩侍女吹簫引鳳皇近有改引鳳爲弄鳳者云與驚鸚俱疊韻也不

知鳳字凡聲荀子引詩有鳳有鳳與心字爲韻

壁

唐韻廿三錫

壁

二十陌

熒

十五青

塋

十二庚

判部居唐人韻學足

軒渠何當乞取澄心紙重倩吳娘玉挽書

那得諧聲有變遷亭林創說豈無偏

顧氏好以侯部中字如僂僂踰跖之

類狃入虞模

尼山先世銘辭古字字都堪被管弦

同文典重比同倫外史頒來列國遵安得數公操古誼

輶軒過處悉還醇

倣唐人重有感二首寄雲汀師

急羽多慚擇木禽我畱公去費沈吟雪蕉謾就時人景
風絮頻傷獨客心身後是非行自念史家刑禍本難任
西京相業曹侯好何必平津學術深

香屑詩才錦不如琴尊耐得十年居空勞那昉思訛字

未許南華引癖書薦士久忘韓吏部緩刑又失路溫舒
一端聊博先生哂此是秋風落葉初

疎影

題馬湘帆湘帆圖卽送之楚

西風吹暑正江城如畫客意悽楚誰寫瀟湘疎柳千
條年光過却飛絮征帆幅幅相思影況不是淥波南
浦除倩他竹淚蘭心解識才人意苦窗外秋雲無
定與君乍握手便訴離緒一葦滄波已覺推篷不似
青溪烟樹楚天從古銷魂地休喚起湘靈爾汝有故
人凝望歸舟難訂再相逢處

○甘州

去年同人賦秋海棠得詩百餘首今此花又
放矣

捲湘簾一萼破輕陰秋到已經旬正去年此際瓊箋

擘處花雨繽紛認取夢迴嬌靨索付未消魂那更娟
娟蜨尋到牆根我欲邀將秋士借紅巾搵淚翠裏
傾尊奈青衫顚顚強半浣征塵便禁風闌干倚遍怕
明蟾無處照愁痕憑誰共較量肥瘦重話殘春

六州歌頭

附同作

聰應

秋陰庭院低亞一枝枝顏色薄腰支弱傍疎籬隱嬌
姿仿髥深閨裏濃睡覺鬢雲亂紅裏展拋歌扇不勝
衣記得年時話別鞦韆下淚漬臙脂儘嬌紅姹紫無
計遣相思終日簾垂燕歸遲早闌干外西風緊荒
苔冷暗蛩啼花徑誤平蕪暮屐痕稀此何時舊日銷
魂處宿妝褪燭光微春夢遠芳音斷蜨分飛耐得閒

階淒寂無人賞
獨自芳菲待宵來
月上和爾鏡中窺
莫怨將離

布薩詞戲爲里少錢生作

半欲梳頭半讀書
春山曉黛捲簾初
畫裙未著窺難見
只隔橫窗問起居

烏絲界就十三行
一字分明一夜光
寫到雙飛敲玉管
爲他誤字費思量

八角流蘇護短檠
當眉對臉太分明
蕭郎莫作橫陳想
看我飄烟上玉清

幾度因循玉簫秋
別時蕉萃見時羞
何因簾底纖纖月
得共輕雲上玉樓

長亭怨慢

喜晤戴孟昉並柬宋子庭

乍簾外朱霞飛墮小院秋蛩向君啁唧兩點金焦祢
來已是八年別滄波風快正無奈輕帆難乞問訊江
鄉剛說到桺絲堪折君爲誦近作桺枝詞極淒婉淒絕試天涯
極目幾度烟雲消歇年時仙侶止剩得張郎花骨謂
馬便樓頭玉秤昭容那還記夜珠如月索笠屐相
從踏遍剡溪殘雪

附贈詩

丹徒戴彥升

峩峩璠璣器理勝兼孚勝寶玦爛滿目璇源閼中孕
九磬開浩奏和鐘叶離磬后夔能依聲中旗庶善聽
精神周百紀名價敵千乘文章經國業志行貴相稱

良馭駕今展巨子學舊證循吏與儒林位置未易定
小夫綴碎語寸莛洪聲應象楮刻雖成燕石難爲贈
區區牛一毛嶽嶽磨之頤恢張出世宙洗盪及不佞
敢作集中賊願掃門前徑

送吳丈

山錫

歸吳門卽題其都門近藁

春明重夢集一讀一沾襟此地最傷別斯人能苦吟歸
舟閒五瀉游囊抵千金那得從公去秋山句共尋

初聞絡緯和吳丈

似我驚秋早輸渠稱意鳴乍疑村舍近便覺暑風清織
具拋來久歸帆借未成怪他黃叔度南北聽分明

仲則
丈詩

一樣夢醒聽絡緯
今宵江北昨江南

見歸雅次戴秀才

彥升韻

風影蕭蕭感歲寒歸禽幾度客中看夕陽催送黃昏早
落葉重還碧樹難門巷大都聞燕去邊城無分逐雕盤
慰情獨有如蓬鬢猶向高秋惜羽翰

對月次戴秀才韻

每到憑闌動別情相思欲寄未分明現愁玉兔高難飽
似此靈丹竊不成幾處樓臺還近水暫時風雨詎聞聲
笑他歡會癡牛女又踏危橋一度行

金縷曲

西風和異之韻

落葉吹凌亂正閒窗衿衣初試校書人倦一桁湘簾
深深押留住玉爐雙篆有幾處招涼池館才說荷香

清入夢早蕭蕭暗把流年換休更問垂楊岸 淒涼
客緒禁來慣祇江船無多歸路任公臺畔不奈輕帆
渾難借坐聽打城潮滿若待得春庭蕙轉此際少兒
應絕倒怪渠儂未是東行伴空目送蜚鴻遠

一萼紅

感秋次異之韻

夜漫漫聽空階墜葉霜信到江南燕壘泥鬆榆錢莢
小已教耐過春寒待喚取龍姑魚婢跨長鯨飛趁暮
潮還少女音乖童男已老誰話辛酸 除是華嚴彈
指現程樓閣緩駐青鸞玉盃盛時丹砂擲處也應
費盡還丹且試把秋花五萬灌銀河一葉不教乾休
被悲歌宋玉收入文瀾

元作以南字入韻
蓋沿玉田之誤

○清平樂

伯厚以葉小鸞研銘拓本索題感念君淑君素不自知其聲之嚙殺也

紫雲一片曾共疊花現推墜塵中如草賤却又不容
留戀零縑斷墨摩挲深閨遺恨偏多怪爾熒熒雙
眼看人流淚成河

祝英臺近

爲志局總纂韓舍人題畫

暑全收寒未甚約畧近重九薄薄窗紗聞得木樨否
那知百斛幽香隨風零落已半付斷垣落繡將進
酒休教籬畔黃英又怨埽花帚老去泉明行樂未應
負不須苦憶春光夜來青女早偷換五株烟柳

綠意

甘雨應祈解筠中丞召飲有作

玉壺清醕正疎簾短簾迎涼無處手種秋花潑翠啼

紅仿髭濃春院宇修眉自是初三好且暫遣素娥離
緒看小橋幾日溪痕消減帶圍如許長恨浮雲天
遠怕銀漢隔斷人間私語誰道金猊雙篆因風吹上
瑠瓊樓闌柱宣城詩句篇篇在試說與傳言玉女待鳳
簫譜入霓裳別灑一天花雨

附和作

鄧廷楨

碧筩涼醕恰迎涼小坐桐陰多處一雨關心稻熟花
疎已是新秋淨宇雲蹤巧借風吹合共絮說少年情
緒俯碧波似此題襟便算聚星應許回看姮娥西
下憶諸將塞外宜傳好語電埽花門掐斷游魂珍重
銘功銅柱小橋烏鵲良宵架且莫管喁喁兒女但乞

他分減銀河散作洗兵甘雨

輯江北藝文志成題後並寄鄧博士

願鶴

藝文十卷訂初成百感蒼茫赴短檠放眼畧消窮士恨

驚心乍見故人名

謂江安甫金眼甫劉孟塗汪英之諸君

剛柔分日摧華

髮雅頌千秋有正聲莫笑書生生太晚鎮邀江戴話嚴更

何曾青史見生前沒世心情亦可憐三丈豐碑酬宰相
一堆故紙葬神仙尊彝易毀銘辭古芝朮無功竹冊延
手檢叢殘重灑淚挑鐙猶擬駐流年

附和作

鄧廷楨

三年刻楮費冥搜坐看珊瑚鐵網收點鬼不妨同一

三集
簿有神終與訂千秋壁中經自蠶叢得海底珠勞象
罔求昨夜奎光燭江介直須萬卷署高樓

管同

潛霍文章久零落端明書局幸今開志難每信江淹
語篇出方知陸賈才無數鸞鳳留指爪何時龍馬再
胚胎平生師友淮南盛鬼簿紛登亦可哀

申耆見余小游仙詩和韻一首見寄惘然有作

珍重江鄉招隱箋相思最是已涼天鏡中日日朱顏改
那向唐生更問年

附來詩

李兆洛

寫意難窮百幅箋敢云出處竟關天酒人自有荆卿

在何必田光尙少年

江城子

和嶠筠中丞

最難禁受是初涼倚空廊望滄江幾葉枯荷蕭颯勝
花香記得相逢春似海渾未覺午陰長蟲兒唧唧
燕兒商盼秋光怨秋霜細數歡筵三萬六千場獨有
年時寒女綫猶待與繫斜陽

附元作

鄧廷楨

江天小閣又新涼月過廊露橫江瑟瑟風吹秔稻滿
陂香半晌茅亭閒淪茗斜照外柳絲長譙樓畫角
換清商憶歡場惜年光多少寒松翠柏怯輕霜鄰笛
一聲人去也淮水落弔山陽

又附同作

祝百五

空庭雨過乍生涼步危廊聽秋江那得荀郎三日坐
來香一桁湘簾慵未放人不寐夜初長盈盈一水
卽參商盼容光鬢成霜爲問年來何處是歡場悶倚
薰篝思往事憔悴損沈東陽

聰應

偶來水閣迓新涼繞虛廊眺橫塘擬借扁舟七尺布
帆張一任西風吹去也鴻宿處是江鄉蕭寥秋士
那能狂轉迴腸惜年光待得雙螯初滿酒初香敗葦
殘荷都去盡籬菊放展重陽

南阮令

積陰遣悶戲合望江南阮郎歸二調填詞
一首接日有作牽連書之

思芳草胡蝶幾時來胡蝶見花不見草南牆出窺北
牆飛花殘蝶又歸

重門閉日暮最相思六甲神符催不動向來小膽素

娥知

膽小看月小
哭下閨中語

生憎月上遲

窗前過放筆乍聞聲報與墮釵渾不答強將箕斗看
分明春纖玉削成

江南好最好洞庭秋山上斜陽山下水橘枝紅到木
蘭舟無人話舊游

門前路一步卽天涯剛說上河圖畫好有人偷展玉
鷗叉春遲日未斜

催春去春去未分明西下夕陽東上月知他何處是

三集四
歸程一園鶯燕驚

槐陰夢作劇是游仙
螳陣蜂衙渾一笑不須便擬畫
凌烟春愁在蝶邊

春塍近繞屋稻花香
潁上心期陽羨約最難仿髯是
南陽空栽八百桑

東廖八大令

大聞

龍眠曉黛捲簾看乍覺單衣中薄寒
杜老重逢吟轉苦
寇君一去借應難
攀蘭道遠江分界
攀桂天高月有闌
此日鄉心留不得
蠻雲極望正漫漫

賣花聲

題楊楓村負米圖

風雪滿江千笠重
衣單歸期長是或將闌
有个倚閭

人獨立望見兒還 乞米未全慳持勸加餐畫圖著
意寫孤寒一種心情誰寫得掩淚承歡

又

元伯招同于庭石似飲大觀亭元伯有詩余用其韻填此

攜酒上江亭秋色淒清樽前難與訴離情南到滇池
西雪嶺幾許征程 何事尙干卿雄辨縱橫魚龍耳
熟是吟聲此日聽來渾不似有客譚經

○洞仙歌

莊斯才表弟招同俠仲丙季于庭伯厚小飲寓齋懷舊有作

狂歌痛飲喜樽前豪氣猶有當時少年意正新涼初
轉素月將圓休看得一度歡場容易 雲溪

趙青州所居

烟景好玉簫無聲樓上閒窗早應閉舉箔數秋星蝶
夢恩恩又飛去君家仙吏

謂邨州兄

問從此江鄉更何人

解喚取紅巾搵離人淚

風蜨令

連夕夢與紹仔相持泣覺後枕痕狼籍意頗惡之旦日成此以當書門大吉

小炷燈猶在初涼夢易驚敲窗落葉一聲聲
驗取十年離恨不曾平
欲語君先咽相逢淚轉傾依然蹤跡未分明
可惜恩恩兩度負殘更

又

作前詞後二日紹仔書適至悲喜交心復成此解

水遞郵笻速霜寒筆蹟真經年芳訊斷江鱗盼到積
陰簾幙月華新
鏡裏人非舊樽前氣漸馴烏絲十幅寫來勻
還說望廬情事不堪論

餞秋次梅史舊韻

莽莽平蕪淼淼波花飛草長此經過誰將綠葉都收去

喚作陽春奈小何却暑疎簾還蕩漾登高才筆漸銷磨
肯迴背面寒簷影全把離情訴與他

可待嚴霜損玉顏嫩涼便見蹙眉彎并無蟲語聽終夜
鎮倩虬枝守故山九辯已成應恨早重門雖設定長關
除教耐到消殘雪手拓文窗遲燕還

鶯花庭院許勾留未信蹉跎到晚秋別路正逢鴻北至
涼風猶在屋西頭荷錢榆莢資裘盡雨笠霜蹄旅客愁
倘上小樓看柳色此時轉悔誤封侯

詩篇檢點自鈔存歷歷江關返斷魂晚菊尙留空谷豔
丹楓最受夕陽恩重邀綵筆消寒課領取香篝對語溫
竹友梅妻共要約莫教涼雨濕啼痕

附和作

岳良崧亭

長天一色疊江波，倒影驚看雁陣過。
婉轉又逢將別候，依然無奈此愁何。
閒尋落葉生惆悵，淨洗疎桐待斲磨。
手奉寒漿階下酌，願求白帝慰留他。

芙蓉已老鏡中顏，脈脈無情水一彎。
送酒不嫌來遠市，閉門彷彿在深山。
記曾豔影銷金谷，又見征車返玉關。
灑掃軒窗勤堵塞，霜風迎得朔風還。

黃花一幅寫常留，月下燈前總是秋。
天際商聲傳木末，海門餘怒息潮頭。
歐陽作賦增悲興，王粲登樓動遠愁。
好片平蕪頻試馬，馳驅誰去省封侯。

盆植梅根古幹存，小春時節續香魂。
自尋煩惱原多

事不惜流光亦寡恩夜永漸看樺燭短茶餘微剩竹
鑪溫如何來去渾無語空惹詩人有淚痕

楊大埔伯厚

皖江東去卷涼波九十秋光一瞬過遷客羈懷同屈
賈感時索句擬陰何礎傳鄰月衣誰寄鬢點吳霜鏡
懶磨此後芳華天不管桑枯草歇總由他

暗中日日換朱顏怕看芙蓉水一彎淫雨何時乾后
土衝颺是處響空山迎來記得通銀漢送別真應出
玉關天半白霓驂習習待憑梧葉報君還

上下雙丸孰挽留四時遞謝獨悲秋擅名久薄君卿
舌受責拌遭子羽頭驚隼飛高身世感鷄雞鳴激古

今愁檀欒修竹長無恙不願求封萬戶侯
三逕空餘斷石存淺斟菊酒與招魂荷心未解飄零
苦柳眼難終顧盼恩底日陽春仍送抱有人敗絮詫
奇溫荻蘆洲畔花如雪飛上征衫變淚痕

聽應

記曾南浦怨春波一度仍煩載酒過蜨夢未須霜櫟
警燕歸其奈玳梁何風聲縹緲帆誰借月色模糊鏡
待磨每到秋來生悵惘豈知秋去又憐他

漫擬燒丹可駐顏東風只隔玉繩彎園林冷落思芳
草雲樹蕭條出遠山座上是誰歌易水客中切莫唱
陽關懷人一日腸千轉夢到相逢鳥喚還

秋去元知不可留，縱教留得是殘秋。
寒雅陣陣橫天末，征騎蕭蕭過陌頭。
綵筆難傳江令恨，綺琴空訴長卿愁。
玉門此日應飛雪，幾輩歸來萬戶侯。

歲寒松柏自長存，那似繁花斷客魂。
綠葉都成前度感，清霜也算故人恩。
由來別酒顏難醉，休怪臨歧語未溫。
料得傷春狂杜牧，又教舊淚掩新痕。

秋日漫興次崧亭先生韻並簡莊五表弟

一鉤涼月已如波，知己無煩託太阿。
對酒情懷消綺麗，援琴心氣驗乖和。
移來修竹嫌庭小，竹茹入藥向同年李給諫乞得一株
買得雙螯盼客過。
苦無種處蘆墅新淩北，原菊連宵鄉夢定。

誰多

三
伯厚示貴池道中二絕句讀之出涕次韻奉答

長繩待繫日西斜
積影偏驚赴壑蛇
鶴是離巢猿失偶
本來無分及寒雅

慣向天涯折柳條
怪君一日鬢全彫
誰家茅屋圍爐坐
手把松枝帶葉燒

買菊

招隱頻煩杖策來
出山也只辦裘催
試拋十戶中人賦
便有名花四面栽
韞匱易高沽玉價
牽蘿還待賣珠回
箇雲駿足傾城笑
說到黃金總可哀

觴菊

觴茱傳柑興易闌
尊前風景太清寒
聊將繡豔矜姚魏

幸未虛名附芷蘭四壁紅羅圍綺席一簾紫霧擁雕欄
此時愁絕陶彭澤衰柳蕭蕭倚杖看

鄰女貽菊一枝所稱白霓裳也大如勺藥寓室求
軍持不獲以酒器插之彭城君見邀聯句

一枝勞折贈

五真

冠絕皖江秋

修平

楚客今華髮

五真

燕臺感舊游

修平

衣空金縷夢

元遺山詩君詩但有真女謠何曾夢見金縷衣

真

五曲謝紫雲偷

修平

爲爾添微暈

五真

閒愁醉亦休

修平

張舍人同年

廷誥

過訪話舊並貽近詩八卷

一編又見訂詩成不但詩清宦亦清守禮肯隨秦博士
抗言全庇魯諸生

君與周保緒後先官淮安教授周以丁祭儀注君以諸生冤獄力抗上官

揚州杜牧淹殘夢

謂保緒

潁上歐陽繫別情

君買田淮上問往省視迂

道過存

恨少金篦堪刮目且教拋却讀書檠

君目疾方劇

乍寒小飲感念君淑有作

惟汝差能飲常憐無酒錢一家歡薄醉三載痛長眠蕭寺誰澆奠空廬復管絃重泉如可見不願祝延年

寒夜獨飲有懷

江北儒官甲天下周

伯恬

金

曙洲

沈

小宛

宋

于庭

皆絕

倫鴻詞大科久不舉駿雄之士安長貧寒雲壓檐雪欲下濁酒引醉裘差溫何當呼取共歲暮使我破屋迴陽春

小游仙爲呂生

慰祖

題畫

小川重還逸興奢仙山不見夕陽斜蟠桃一放三千歲
曾是人間短命花

休問恩恩下界春雲英悔恨締仙姻長娥笑倚寒簷坐
消盡冰輪不嫁人

戴孟昉歸舫載書圖

天涯何處指吟鞭今日游蹤異昔年忽展畫圖驚盛事
還家猶剩買書錢

孤貧長自借書看十日鈔成不啟關老去重捫孝先腹
荊州一道已全還

江亭話舊圖

并序

同榜十一人會于安慶之大觀亭楊君天璧爲作圖解

筠中丞詩先成余次韻

故人相見感流年互說游蹤一惘然此日憶雲勞引領

當時立雪記隨肩論才我敢羞王後

十一人中丞名次最前

愛

士公能恕觸前猶恐恩恩移使節安西都護正籌邊

中丞

官秦中最久時楊宮保參贊同疆軍事陝甘督尚未真授

附元韻

鄧廷楨

一詠霓裳便卅年重逢須鬢總蒼然東西那記曾留
爪左右何期更拍肩白紵新詞在江上青春舊感落
樽前升沈各有千秋業珍重亭皋夕照邊

餞菊和鄧中丞

送汝何之霜滿天異鄉花事復經年交因耐久彌傷別

性最禁寒亦謝妍顧影我猶憐素壁餐英人已證飛仙
枕函珍重餘香在值爲扶容又放顛

附同作

楊大埔

西風無力保芳華咫尺東籬別路賒枕裏餘香供選
夢栢盛新釀抵食霞我來已值初霜日君去全空滿
徑花女几山頭秋易老剩教殘月照蒹葭

探梅和鄧中丞

道是山陰定水陰東風消息尙沈沈衝寒待索巡檐笑
迨吉猶持解佩心容易師雄教入夢本來和靖耐孤吟
莫辭再步西洲屨聽取落枝向曉禽

附同作

汪鈞平甫

前村記得路依稀，予行來是又非。
破屋斜陽偕叟話，小橋殘雪遇僧歸。
山深有信香風細，徑古生寒酒力微。
忽憶高眠林處士，遙天一鶴出雲飛。

簡孝逸

餞歲迎年雜喜嗔，尖叉舊韻又翻新。

君方邀同人作餞冬詩

春來

誰作司香尉，君去應無對月人。
如此峭寒驚倚竹，一般絕豔妬飄茵。
廣庭向曉看飛雪，苦憶南朝耿玉真。

豈止禁寒減帶圍，綠雲都損舊來肥。
并無紗可江頭浣，剩有蓬看病後飛。
葉縣雙鳧雖久住，剡溪孤艇又空歸。
小樓盡日風聲裏，何計將身作錦幃。

孝逸和詩至次韻再答

醉矣甯知丞相嗔詩牌觴政一番新欲消豔思依僧寺
最解憐才況美人北地卽今無粉黛西曹那許污車茵
飛璫坐謫因何事除問當年賀季真
蕭郎吟榻萬花圍桃李都煩較瘦肥綠萼肯教黃蝶見
紅羅早化絳雲飛似君俊賞能消妬非我佳人誰與歸
珍重淹留同歲暮漫營鄉夢賦低幃

寓感東孝逸

謠詠紛紛定有無感甄窺宋語全誣畫師罪甚毛延壽
懸寫眞妃出浴圖

廣寒閨範竟何如吳質寒簃比屋居三萬八千修月戶
何妨日日見仙姝

慕色憐才總至情香光世界有蓬瀛詩人慧業超凡易
三疊琴心大道成

僕射何如飲酒佳玉人剛爲拔金釵宵來雪壓牽蘿屋
那得相逢不坐裊

萬緣詞人亦可傷乍來塵海學趨蹌憐才獨有西王母
口勅飛瓊賜一觴

寒閨

一帶檐花冰柱低粗籠翠髻見柔荑丁甯侍女鑑中火
辛苦蕭郎雪後泥小病尙餘前日醉相思微露隔年曉
夢來忘却迷藏徑暗趁衣香上玉梯

孝逸未及賦餞秋詩別成餞冬四律見示漫和如

數

餞罷秋光又餞冬詩人情緒恨重重也知殘歲難爲守
多恐陽春亦枉逢殢酒宵深猶換燭探梅路滑試扶筇
嬀娥命薄禁寒慣轉爲迎年減玉容

謝庭弦管已全收飛絮濛濛掩畫樓苦惜凋年供玉戲
預愁寒女見花羞何人解索巡檐笑此夜真成曳雪留
一握堯羅溫入骨不妨沽酒典征裘

燕趙黃塵擁據鞍了無佳夢過邯鄲一年輓跡從頭數
三郗饑寒袖手難越女待迎車緩緩秦聲猶聽夜漫漫
呼僮貯雪供銷夏旨蓄居然勝蜜官

朝天司命酒盈觴笑我今無博士羊暫輟祭詩除結習

敢因壓綫妬新粧飛揚野馬從何挽激楚寒雞貫趣寢
說與神荼渾不曉年年長自傍門牆

附同作

莊魯駟

漫誇文史足三冬都付山重與水重客久更無愁可
訴天高猶有月相逢屢經駭浪停征櫂偶憶寒梅首
短筇笑我頻年飄泊慣嚴霜凋盡少時容

厭聽荒雞促去鞍匆匆澆酒過邯鄲迴風舞雪分衿
易補屋牽蘿聚首難何日鶯花歸晚晚幾回烟水望
迷漫平生傲骨禁寒久却怪相知半冷官

柬孝逸江干阻風

不禁觸熱耐衝寒江上依然雁影單一別車公行樂減

初來潘令避名難
閒庭自積迎年雪
納手猶憑望遠欄
向晚薰籠知罷爇
舟中繡被正香殘

一樽

各有離愁逐逝波
一樽先與熨雙蛾
寒闌恨少明心鏡

非關欲照膽祇是自明心唐人鏡銘
鄉物虛傳透額羅
元微之詩漫裏親

手羹湯留客易慰情
風雪釀春多林雅
汀雁棲都穩踏

東應無醉尉訶

崧亭先生見示新詩有簿領堆中叢帙擁不成循吏不書生之句奉答二十八字

纔治官書便賦詩
讀書讀律費然疑
班班富敎先勞訓
不是經生那得知